

04 IULIE
RUGACIUNEA 2
SF. IMPARAT-MUCENIC
NICOLAE 2 ROMANOV
AL RUSIEI
МОЛИТВА

О, святы́й новомучениче страстотерпче Царю Николае, Помазанника Своего Тя Господь избра во еже милостивно и право судити людем Твоим, и хранителя Царства Православнаго быти: царское служение сие и о душах попечение со страхом Божиим совершал еси. Испытуя же Тя, яко злато в горниле, скорби горькия Господь Ти попусти, яко же Иову многострадальному, последи же престола царскаго лишение и мученическую смерть посла Ти. Вся сия кротко претерпевый, яко истинный раб Христов, наслаждаешься ныне вышняя славы у Престола всех Царя купно со святыми мученики. Мы же, аще и недостойни есмы множества грехов наших ради, молим Тя, о славный Царю страстотерпче Николае, умоли Господа о нас, да не отвратится до конца, да не лишит народ наш

великаго избранничества Своего, но да подаст нам разум спасения, во еже восстати нам из глубины падения. Имаши бо, Царю Николае, дерзновение велие, Ты бо кровь Свою пролиял еси за народ Свой и душу положил еси не токмо за други, но и за враги Своя, и сего ради предстоиши ныне в невечернем свете Царю Славы, яко верный слуга Его. И тако буди нам ходатай, и заступник, и приклони на милосердие правосудие Божие, да не погубит нас до конца Господь, но да вся простит и милостивно помилует и спасет святую землю Русскую и народ ея свободит от тяжких бед и напастей. О, святой и славный наш Царю страстотерпче Николае, предстательством Твоим и молитвами святаго Семейства Твоего, невинно убиенных Царицы Александры, Царевича Алексия, Царевен Ольги, Татианы, Марии и Анастасии, да подаст нам Господь грехов прощение и на всякую добродетель наставит нас, да стяжем смирение, кротость и любовь, ихже сии мученицы явиша. И да возродится в народе нашем вера и благочестие, да дарует нам Господь Самодержца Российского, во еже восставить престол Царей Православных. И да прославим Бога и послужим Ему верно до скончания века на земли и сподобимся Царствия Его на небеси, идеже мы купно с тобою и всеми Святыми новомученики и

исповедники российскими и со всеми святыми
воспевати будем Славу Отцу и Сыну и Святому
Духу и ныне и присно и во веки веков. Аминь.